

ט ויאמר יהוה אל-קין אי הבל אחיך ויאמר לא ידעתי השמר י אחי אנכי: ויאמר מה עשית קול דמי אחיך צעקים אלי יא מן-האדמה: ועתה ארור אתה מן-האדמה אשר פצתה את-פיה לקחת את-דמי אחיך יב מידה: כי תעבד את-האדמה לא-תסוף תת-כחה לך נע ונד יג תהיה בארץ: ויאמר קין אל-יד יהוה גדול עוני מנשא: הן גרשת אתי היום מעל פני האדמה ומפניך אסתר והייתי נע ונד בארץ והיה כל-מצאי טו יהרגני: ויאמר לו יהוה לכן כל-הרג קין שבעתים יקם וישם יהוה לקין אות לבלתי טו הכות-אתו כל-מצאו: ויצא קין מלפני יהוה וישב בארץ-ח נוד קדמת-עדן: וידע קין את-אשתו ותהר ותלד את-חנוך ויהי בנה עיר ויקרא שם העיר כשם בנו חנוך: ויולד לחנוך יח את-עירד ועירד ילד את-מחויאל ומחויאל ילד את-מתושאל ומתושאל ילד את-למך: ויקח-לו למך שתי נשים חמישי יט שם האחת עדה ושם השנית צלה: ותלד עדה את-יבל הוא היה אבי ישב אהל ומקנה:

כא ושם אחיו יובל הוא היה אבי כב כל-תפש כנור ועוגב: וצלה גם-הוא ילדה את-תובל קין לטש כל-חרש נחשת וברזל ואחות תובל-קין נעמה: כג ויאמר למך לנשיו עדה וצלה שמען קולי נשי למך האזנה אמרתי כי איש הרגתי לפצעני כד וילד לחברתי: כי שבעתים יקם-קין ולמך שבעים כה ושבעה: וידע אדם עוד את-אשתו ותלד בן ותקרא את-שמו שת כי שת-לי אלהים זרע אחר תחת הבל כי הרגו ט קין: ולשת גם-הוא ילד-בן ויקרא את-שמו אנוש אז הוחל לקרא בשם יהוה: ה'א שישו זה ספר תולדת אדם ס ביום ברא אלהים אדם בדמות אלהים עשה אתו: זכר ונקבה בראם ויברך אתם ויקרא את-שם אדם ביום הבראם: ויחי אדם שלשים ומאת שנה ויולד בדמותו כצלמו ויקרא את-שמו שת: ויהיו ימי-אדם אחרי הולידו את-שת שמנה מאת שנה ויולד בנים ובנות: ה ויהיו כל-ימי אדם אשר-חי תשע מאות שנה ושלשים שנה וימת:

ו ויחי-שת חמש שנים ומאת שנה ויולד את-אנוש: ז ויחי-שת אחרי הולידו את-אנוש שבע שנים ושמנה מאות שנה ויולד בנים ובנות: ח ויהיו כל-ימי-שת שתיים עשרה שנה ותשע מאות שנה וימת: ט ויחי אנוש תשעים שנה ויולד את-קינן: ויחי אנוש אחרי הולידו את-קינן חמש עשרה שנה ושמנה מאות שנה ויולד בנים ובנות: ויהיו כל-ימי אנוש חמש שנים ותשע מאות שנה וימת: יב ויחי קינן שבעים שנה ויולד את-מהללאל: ויחי קינן אחרי הולידו את-מהללאל ארבעים שנה ושמנה מאות שנה ויולד בנים ובנות: ויהיו כל-ימי קינן עשר שנים ותשע מאות שנה וימת: יט ויחי מהללאל חמש שנים ושישים שנה ויולד את-ירד: ויחי מהללאל אחרי הולידו את-ירד שלשים שנה ושמנה מאות שנה ויולד בנים ובנות: ויהיו כל-ימי מהללאל חמש ותשעים שנה ושמנה מאות שנה וימת:

ס"א מנשוא